



Nuuk 20. maj 2020  
UPA 2020/8  
Jens Napätök, Partii Naleraq

## **Inatsisartut ilassutitut aningaasaliissutitut inatsisissaannut siunnersuut 2019.**

(Aningaasaqarnermut Aatsitassanullu Naalakkersuisoq)

### **(Siullermeerneqarnera)**

2019-imut ilassutissatut aningaasaliissutitut inatsisissatut siunnersuut pillugu Partii

Naleraq sinnerlugu naatsumik imatut oqaaseqarfigissavarput.

Partii Naleqqamiit isumaqarpugut immikkut aningaasarliissutissanik qinnuteqartarnerit aammalu taamaattut suliarineqartarneri annikinnerpaaffiminitinniarneqartuartariaqartut.

Taamaammat aningaasamut inatsit sukumiisumik suliareqqissaarneqartarnissaa pingaaruteqarluinnartuuvoq tamatuma suliarilluarnertigut immikkut aningaasaliisariaqartarnerit appasinnerpaaffiminitinnissaa eqqarsaatigalugu.

Tamannalu tamakkiisumik piviusunngortinnissaa ajornakusoorsinnaasarpoq, tassami Partii Naleqqamiit ilimavarput inuiaqatigiinni suliassat unittoortinnagit ingerlaannarnissaat ilaatigut siumut takunngitsoorneqarsimasut naleqqussaaffigisariaqartarmata, taamaattumillu unittoortoqannginnissaa qulakkeerniarlugu aningaasamut inatsisip avataatigut immikkut Aningaasaqarnermut Akileraartarnermullu ataatsimiititaliap akuersissuteqartariaqartarluni Naalakkersuisuniit innersuussanik aningaasaliiffigisariaqartunik akuerisariaqartunillu.

Taamaammallu Inatsisartut ilassutissatut aningaasaliissutitut inatsisissaannut siunnersuut 2019-imeersoq Partii Naleqqamiit annertunerusumik oqaaseqarfiginatigu tusaatissatut tiguarput.

Tusaatissatut tiguñera ilutigalugu innersuussutigalutigu siunnersuutip aappassaaneerneqannginnerani Aningaasaqarnermut Akileraartarnermullu Ataatsimiititaliami suliarineqassasoq.